

Jud ndê bapia Yom whê Jud ndê bapia sa-nga

Jud sam dau bu 'Jems asi.' Lau daêsam gauc gêm bu Jems dau in Yisu asi (Mat 13:55; Mak 6:3), nan ti lau sêkên whin-nga Jerusalem-nga si ngagôlôn (Apo 15:13; Gal 1:19). Jud to bapia dindec têt lau sêkên whin-nga, magoc gameñ ti malac bocke nan nac sêmbo, nan in têt asê yêc bapia dindec dom.

In to bapia dindec tu bu kên puc lau sêkên whin-nga pi kêdôhônwaga tasan nan sênsôn yom pi Anötö ndê mwasiñ, ma sêndôhôn lau bu gitôm bu sêkôm mêtê sac daêsam, ma Anötö oc suc kwi. In bu puc lau sêkên whin-nga dôn bu sêlhac nanga ma sêkôc yom tasan dinañ sa dom.

Jud ndê yom namata-nga

¹ Aö Jud, Yisu Kilisi ndê ngac akin ma Jems asi. Aö gato bapia dindec têt mac lau nan Daman Anötö tac whin mac ndu andô, ma kêgalêm mac sa ati in ndê, ma piñ mac dôn am damin Yisu Kilisi tu yob mac-nga.

² Anötö ndê tawalô, ti yom malô ma in ndê atac whin nem mac hon ahuc êñlêc.

Jud kên puc nac pi lau nan sêndôhôn mêtê tasan

³ O aneñ lau ñayham, aneñ ñalôm kac aö bu wato yom têt mac pi Anötö ndê lêt nem yac si-ña, nañ tap yac sa su. Magoc kwahic dec aö galic bu ñawapac dañ hôt asê, ma tu dinañ-ña dec gato yom dindêc hêganôn ñawapac dau. Aö bu wapuc mac dôn bu alhac ñaña ma asap Anötö ndê yom ñandô dakêt whiñ-ña dôn. In kêt yom dau têt in ndê lau dabuñ bu sêyob ñapep.

⁴ Ñawapac dau hêganôn lau sac ñatô nañ sêtec Anötö ndê lêt, nañ sêsôt mac nem gôlôwac dabuñ ñalôm sêmen sêsîñ sêmbo, ma sêndôhôn mêtê tasan. Ñac sêsôm gitôm bu dakôm mêtê sac ñapan, ma Anötö oc suc kwi. Bocdinañ sêñsôn yom pi Anötö ndê tawalô, ma sêsêc yac neñ Ñadau tigen, Pômdau Yisu Kilisi ahuc. Lau kain dinañ, ñac Anötö ndê lau dom, ma muñ-ña in ndê propet sêto yom pi ñagêyô nañ in oc kêt têt ñac.

Ñagêyô nañ Anötö kêt têt lau sac

⁵ Yom pi ñagêyô dinañ mac anyalê su, tigen aö wasôm tiyham bu mac gauc nem ñapep. Muñ-ña Pômdau kêgaho lau Israel-ña su yêc gameñ Isip-ña. Magoc tiñambu ñac si lau ñatô sêkêt whiñ in dom ma sêli dau sa têt in, dec in señ ñac su.

⁶ Ma gauc nem añela nañ daña wambu Anötö dom, ma sêhu gameñ nañ Anötö kêt tu ñac-ña yêc undambê, nañ siñ. Bocdinañ in sô ñac dôn ña sen ñaña bu sêmbo gameñ ñasec-ña ñapan, e sêtap matôt sa têt bêc atu nañ oc men sa tiñambu.

⁷ Ma gauc nem lau nañ muñ-nga sêndöc malac Sodom ti Gomora ma malac ñatô nañ sêyêc malac lu dinañ ñamakê. Ñac sêkôm mêtê ñalôm ñagalac-nga ma mêtê mockain-nga tidau-tidau, ma tu dinañ-nga Anötö sen ñac su. Gêñ dinañ ti dôhôn ma kêñ puc yac pi ñagêyô nañ lau sac oc sêtap sa yêc ya nañ sa ñapañ.

⁸ Ma lau tasan nañ sêmbo mac nem gôlôwac dabuñ ñalôm, nañ sêsa lêñ sac-nga gitôm lau ñamata-nga dinañ. Lêñ sêkôm sac-nga kalhac ñac si gauc ñapañ, ma ñac si mêtê sac kôm ñac ñadômbwi sa yêc Anötö aṅgô-nga. Sêtoc dau sa ma sêsôc Anötö ma lau bata ñapu dom, ma sêsôm yom sac bu sêṅgwiniñ Anötö ndê lau ti ñawasi.*

⁹ Magoc gauc nem Anötö ndê aṅela ñamata-nga Maikel. Têñ ndoc inlu Sadañ sêsen dau pi Moses ndê ñamlan, nañ in yob dau ndê whasun bu sôm yom sac pi Sadañ dom. Magoc in sôm yom têt in bocdec bu, “Pômdau dau goc sôm am.”†

Lau tasan si mêtê

¹⁰ Magoc lau tasan nañ sêmbo sêwhin mac, nañ sêsôm yom sac-sac pi gêt dabuñ nañ sêṅyalé dom. Tigen mêtê sac nom-nga, nañ tidôn ñac

* **1:8** Lau ti ñawasi - yêc ndê bapia, Jud to yom tigen nañ ‘ñawasi.’ Lau ñatô gauc gêm bu yom dau hêganôn aṅela, magoc lau ñatô gauc gêm bu yom dau hêganôn lau sêkên whin-nga, me lau sêkên whin-nga si lau bata. Pita to yom kain tigen yêc 2 Pit 2:10. † **1:9** Yom nañ Maikel sôm têt Sadañ nañ sêto yêc Sek 3:2. Tigen yom pi Moses dinañ yêc Yom Lêṅsêm Akwa dom, magoc yêc lau Israel-nga si buku akwa dan.

su, naŋ sêŋkuc gitôm bôc gapuŋ naŋ gauc mbasi. Ma tu mêtê sac dinaŋ-ŋga dec ŋac oc sêŋŋga.

¹¹ Oyaê! Lau dinaŋ oc sêtisac. Ŋac sêŋkuc Kein ndê lêŋ. Ma ŋac sêkôm gêŋ tu sêkôc awa-ŋga ŋambwa, ma bocdinaŋ sêŋkuc Balam ndê giso. Ma ŋac sêli dau sa têŋ Anötö ti iŋ ndê lau bata, ma bocdinaŋ ŋac oc sêŋŋga gitôm Kora.

¹² Têŋ ndoc mac lau akêŋ whiŋ-ŋga akac sa bu aneŋ gêŋ ma atêŋ mbec, naŋ ŋagahô lau sac dinaŋ sêsôc sêmeŋ ma seŋ gêŋ sêwhiŋ mac. Magoc ŋac maya dau tu ŋac si mêtê sac-ŋga dom, ma bocdinaŋ ŋac sêkôm gôlôwac dabuŋ si ŋaê ŋayham tisac. Ŋac sêmwasin dau ma gauc gêm lau ŋatô dom. Ŋac lau sêhôn-sêhôn ŋambwa sêtôm yawalec naŋ puc pi meŋ ma mbu soc su giŋga. Ma ŋac sêtôm a naŋ gêm ŋandô tôm ŋandoc dom dec lau sêlêŋ su, ma bocdinaŋ a dau gitôm a naŋ mbac tidim lu.

¹³ Ŋac si lêŋ gitôm gwêc ŋadinda, ma ŋac si mêtê mayaŋ-ŋga gitôm ŋapwic naŋ gwêc ŋampon dau hu pi baö. Magoc ŋac maya dau dom. Ma ŋac sêtôm tata naŋ sêlhac si mala solop dom, ma bocdinaŋ Anötö kényalin ŋac si mala sa yêc gameŋ ŋasec-ŋga bu ŋac sêmbo ŋapaŋ.

¹⁴ Ŋgac ŋamata-ŋga Adam ndê apanŋac ti-7-ŋga naŋ sêsam bu Inok,[‡] naŋ hoc yom asê muŋ su pi lau sac dinaŋ bocdec bu, “Alic su naŋ. Pômdau oc meŋ whiŋ iŋ ndê aŋela dabuŋ tausen ma tausen.

[‡] **1:14** Inok ndê miŋ sêto yêc Gen 5:18-24. Yom naŋ iŋ sôm naŋ sêto yêc Yom Lêŋsêm Akwa dom, magoc yêc lau Israel-ŋga si bapia akwa dan.

15 Inj oc êñsahê lau honj pi ñac si mêtê, ma lau honj nanj sêtec Anötö ndê lêñ, nanj inj oc kênj ñagêyô atu têtj ñac tu ñac si mêtê sac-ñga, ma tu yom sac nanj sêsôm pi inj-ñga.”

16 Lau tasanj dinanj êlêmê sêtuçdiñj tu gêtj honj-ñga, ma sêpu lau ñatô. Ma sêkôm mêtê sac tidau-tidau gitôm ñac dau si atac whiñj. Sêsôm yom sêtoc dau sa-ñga, ma sêmbac-sêmbac yom lau bu sêkênj gêtj têtj ñac.

Jud to yom puc ñac dôñ-ñga

17 O anej lau, gauc nem yom nanj Pômdau Yisu Kilisi ndê lau ñapasel sêhoc asê gwananj su.

18 Ñac sêsôm têtj mac bocdec bu, “Têtj têm ñambu-ñga, lau oc sêtisa, nanj sêtanj b ôlê lau sêkênj whiñ-ñga, ma sêkôm mêtê sac sênjkuc ñac dau si ñalôm nanj tec Anötö ndê lêñ.”

19 Yom dau hêganônj lau dinanj, nanj sêwhê mac n em gôlôwac dabuj kôc, ma sênjkuc mêtê nom-ñga ñapanj sêtôm lau gauc mbasi-ñga. Bu Ñalau Dabuj mbo ñac si ñalôm dom.

20 Tigenj mac lau ñayham. Akôm bocdinañ dom. Asap yom dabuj dakênj whiñ-ñga dôñ, bu puc mac dôñ ma alhac ñannga. Ma atenj mbec ña Ñalau Dabuj ndê ñaclai.

21 Ambo ti Anötö ndê mêtê atac whiñ-ñga nem mac ahuc, ma akênj Batam Pômdau Yisu Kilisi ndê tawalô nanj yac oc datap sa têtj ndoc inj kôc yac sa dandôc tanli ñapanj yêc undambê.

22 Tamwalô lau nanj atac lu-lu, ma anem ñac sa.

23 Mac nem lau ñatô sêsip mêtê sac ñalôm su, dec sic waê bu sêsip ya lambwam-ñga sêndi.

Akôm bu anem ñac si ñalôm kwi, dec oc nditôm mac aŋgaho ñac su yêc ya dau. Tamwalô lau naŋ sêkôm sac ma akôm bu anem ñac sa, magoc atôc ñac si sac ma ayob daôm ñapep bu sac dau kôm mac apeŋ dom.

Jud gic bata in ndê yom

²⁴⁻²⁵ Tu yac neŋ Pômdau Yisu Kilisi-ŋga, tampiŋ yac neŋ Anötö ñandô tigenŋ naŋ gêm yac si. Inŋ gitôm bu yob mac ma nem mac sa bu apeŋ dom. Inŋ kêgwasiŋ mac nem sac hoŋ su, dec mac atôm bu alhac aŋôm sawa ma atac ñayham atu yêc inŋ aŋgô-ŋga ti inŋ ndê ñawasi atu. Dapo inŋ ndê waê sa, bu inŋ ndê ñawasi ti ñaclai ma ñaŋga atu andô. Ma inŋ mbo bocdinaŋ têt têt ñamata-ŋga, kwahic dec, ma oc mbo ñapaŋ. Yomandô.

Anötö ndê Yom Lêñsêm Wakuc
Bugawac: Anötö ndê Yom Lêñsêm Wakuc New
Testament

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 28 Dec 2024 from source
files dated 29 Jan 2022

1dcc5a6c-3c1e-54e8-aa77-af18a3782048